

嘉筆禾微獻錄

嘉禾徵獻錄卷二十

尚寶司
京府

郡人盛楓丹山輯

男支焯校訂

李樂

袁顯

祥

仁

黃

子嚴

過庭訓

遠祖宗一
孫澤充

祖橋父厚

璘
父仍

李樂字彥和號臨川桐鄉人寄籍烏程嘉靖乙卯舉

人見聞雜紀阮山峯先生歲考湖學余名在三等第

粘座右蚤夜以思如何未得裕切中余病余將此四字

討得些裕來繞裕便不單薄至八月叨中先生余恩

卷二十

一

師隆慶戊辰進士知新淦縣初至謁郡守閻者驕蹇

樂杖之

湧幢小品

李先生令新淦蕭公廩方為御史

則令為主公為客令交謁則公為主我為客不得遲遲蕭頗愠既見色甚厲後曾見臺言狀曾曰此賢令未可輕議蕭後再過

李再見深引過謝之

南贛兵萬餘赴調經臨江旁

邑皆望風驚怖扃戶以待兵索薪米魚鹽不獲則擾墟落及過淦樂令大開城門第不許挾兵器以入諸貿易者無禁兵既得食欣然去淦遂不知有兵在淦三年調劑有方一切節省積庫中金視始莅事幾十倍斥羨餘創尊經閣便民倉修練子寧祠及橋梁官

舍皆不煩民

江西通志有傳

行取禮科給事中首請嚴科場

賄託之弊謂洪武丁丑學士劉三吾紀善白思蹈

明史稿作信蹈

主典會試未有受賄之端止以閱卷黨同三

吾不免戍邊思蹈終至棄市非太祖用法之苛懼無以得真才爾疏上中外側目轉都給事中條上宗藩選婚事宜改吏科尋出為福建僉事簡約一如為令時葺延平先生祠揭去昏暗吏進江西叅議巡按御史檄陪巡欲假手以除屬吏之忤江陵者拂衣歸歷十餘年薦疏凡十餘上詔起廣西叅議又以薦補尚

寶卿俱不赴居鄉峻潔餉客不過五簋凡謁長吏必
告以民間疾苦無一語及私湧幢小品沈先生繼山
先生其同年也拉余往言次頗合兩先生有山水宴
集必邀余入會沈先生頗學晉人風流語雜談諧李
先生嚴重渾朴好負手獨行而於風致亦不減沈嘗
遙指謂余曰這老子只可管錢穀做布政李回首喜
曰莫說你定不能比沈先生七十年共游麟湖沈氏園
亭席中談及名妓薛五李津生色喜沈愈譴愈喜竟
席極歡己酉十一月同李津生如嘉禾曉行將至東
門有馬孝廉船暗中與官船相觸食器有碎者官舟
去值李舟牽之求償泊於岸余舟亦相並先生呼余
同坐見碎器陳於舟側亦不為意沈使至下舟盪踢
碎者於水馬之舟人奉主命擒去極之納於鷁首中
孝廉二人怒目斷斷若不可解先生呼曰本官舟所
觸我舟無與我是李某以名帖投之亦不省俄沈使
至者漸多沈先生亦至乃出其人還之默默移舟去

先生止自讓其僕沈好古書畫珍玩李獨否頗好吟
咏亦儘有致家貧止一敬舟出入所雇乳母適其夫
至留宿有振憲曰吾何面見主人縊死舟中先生憐
而葬之棄其舟一日借他舟過余頗華整余目之良
久先生笑曰我已添得此舟余曰未之所著有拳弓園
然必定有說坐定吐實為泣然久之所著有拳弓園
小刻十卷烏青文獻拳弓園在宅後內有餐英館木
真隱樓畔荷花獨盛約有三十餘缸題曰香蓮居館
聯云人無百歲空千慮家有三十山勝萬金側身天地
更懷古同首風塵甘息機此可以見其見聞雜紀十
槩矣其地本宋名人沈平東臯故園見聞雜紀十
一卷焯按舊傳臨川惡董尚書份縱僕恣橫詭為寒
臨川槌鎖不令容鑰候份出大呼問罪董長跪謝過
而罷考見聞雜紀臨川中鄉榜後館於尚書宅斯言
恐不足憑或曰非董重修烏青志年八十六卒於家
也乃江南一宦家耳

靜志居詩話嵇元夫長卿父編修世臣嘉靖辛丑分校禮闈高文襄出其門長卿少年簡傲獲罪嘉興某推官坐死文襄營救獲免招入都執其手語朝士曰此天下士也及文襄去位乘牛車出國門次日始有馳傳後命長卿以詩送之一時傳誦謂陽關三疊河滿一聲無此淒楚此還里因甚歲暮大雪李給事樂語家人曰此時嵇公子必大困因載酒熾炭程里人舟從之見嵇方坐涯次酌水相與劇飲而別入室立祠祀之高弟其恒言曰無心之失甚多有意之惡不作西山日記尚寶與范司成善司成有愛于曰瞞官私以二百金寄尚寶曰侯兒長與之司成捐館數年瞞官甚無籍尚寶歸其金於吳夫人夫人初甚喜已訝曰老悖酷愛庶孽寧止此更索之尚寶瞠目不言又數年吳夫人得故籍所寄李止二百金乃往謝罪

袁顯字孟常秀水人世居魏塘今隸嘉善王昌會詩話類編顯

世居陶莊父杞山豪俠好義與黃子澄謀匡復事露
出逃行至吳江北門作絕命辭曰北風蕭蕭兮秋水
綠木落兮松陵兮野老哭周武不仁兮恥食其粟生無
益於時兮死又奚贖吾將遵彭咸之遺則兮葬於江
魚之腹行吟數四自投於河有居民吳貴三者援而
出之吳兄弟亦好義詢得其狀願破家相容遂得免
讀書洞見閭奧象緯輿圖及諸流家言無不綜貫業
醫精皇極太素之術懸斷禍福無爽暇輒下帷窮經
著周易與義八卷春秋傳三十卷經義考孫仁記曰
大父菊泉先生世
居陶莊之淨池蓄書萬餘卷初讀易作周易與義八
卷後讀春秋嘆曰仲尼實見諸行事惟此書耳作春
秋傳三十卷又闡發素問靈樞之義曰袁氏脈經二卷以
十卷

別於王氏又有痘疹全書亦行於世永樂初與胡浚

同游金陵神樂觀提點姚一山薦二人於朝詔徵之
顥稱疾不赴後至京賜名齋授官詳後傳武功伯徐
有貞為顥妻家兄弟從顥受天文奪門之舉實因占
驗成大功後謫戍歸顥年已九十餘復來求示顥令
就其子祥卒業焉嘉善莫志表顥精醫每診輒託以
太素脈經斷禍福有王氏子素不
孝顥診之曰心脈為己身肝脈為父母今心脈弦急
凌肝脈子未能順親乎不更後三日有火災至日果
驗詣門謝淚潛潛下卒為孝子蘇州胡司理能吏也
居官不廉微服求診顥曰心脈圓而清公殆貴人然
肺金為財脾土生之脾脈且沉且浮公得
無有羨心乎胡面赤不語退竟成康名

祥字文瑞亦好學盡傳其父之業而於占候尤精

因有貞之請乃著天文紀事繪圖於前後列距極度
數分次甚詳有貞驚嘆終表氏父子世不敢輕言占
候成化中有彗星之變江西術士鍾鐘廉謂彗出井
度色不紅而白白主兵井秦分地兵當在秦地祥曰
不然彗雖在井其衡在斗凡彗之出以尾所指為災
變當在吳不在秦也白雖主兵然白而黯黯則近黑
矣又出之日壬申也水生於申江南其大水乎後果
驗鐘廉因求受業乃著彗星占驗若干卷又編六壬
大全三十六卷諸壬家言之精當者無不畢載祥又

痛建文死事諸臣恐其湮沒乃往南都博詢遺事諸部殘文舊案無不翻閱下至軍司冊籍教坊公移皆搜羅而筆記之為建文私記四卷又有革除編年四卷同郡御史屠叔方為建文朝野彙編多本是書又有春秋或問四卷子仁

仁字良貴年少世其祖父學即著春秋鉞胡編一

卷以闡其父或問之義經義考又有大易心法尚書鉞

蔡編一卷毛詩或問三禮穴法經義考皆為經術指

迷經義考袁氏仁大易心法未見仁自序曰天壤間品物流形新新非故靡一時無易也學者仰而觀

府而察遠而稽近而取孰非易理哉若必挾策玩文
尋文索象則其於易也淺矣吾祖吾父世精易演吉
凶談休咎時時中窾俗人心異口譁之然而非其至
也至者乃在神會玄機手握造化終身用易而天地
鬼神有不能測不能違焉宋儒談易謂有交易變易
之義而以陰陽爻象當之陋矣大父嘗語余曰養吾
之真破彼之假守吾之正彌彼之邪而交相化焉此
交易之義也凶者轉而為吉咎者轉而為祥此變易
之義也是故易者聖人有憂患而作君子履之豈可
一日廢哉余自十五受易取先世遺文熟究之茫然
若秦越之不相識也二十而僅達其辭又十年始通
其意偶有所得筆記之歲久成帙命之曰大易心法
卮言靡當詮敘無倫而蠡測管窺時有至者如曰善
易者不言易則主臣不敏皇恐死矣毛詩或問二卷
存

正德改元誤襲西夏李乾順年號吏部考諸生以
宰相須用讀書人論蓋用宋事譏內閣也仁乃輯紀

年備考一卷業醫終身年七十卒子黃集其詩文為一螺集

黃初名表字學海少孤習父醫業後遇道人勸令就學為諸生貢南雍有僧教以持功過格更名黃字坤儀號了凡萬厯庚午中式林居漫錄了凡作刪正四書註以攻紫陽丁丑場中第三義大結謂孟子之罪不在桀下房考陳三謨薦為會元蒲州惡而欲斥之同列勸止乃行國學戒丙戌登進士授寶坻知縣居官著治心編嘗於夜分書旦晝所為以自檢寶坻糧稅舊額每畝二分三釐七毫黃覈減虛浮每畝止還一分四釐六毫民深

德之遷職方主事倭寇大同江遠出平壤西界郡人
沈惟敬創封貢之說黃以為然既遣惟敬往兵書石
星題請黃贊畫東事是時總兵李如松新有寧夏功
桀驁自恣數撓之明年惟敬往平壤倭酋行長及關
白將受約而如松龍率壤入之黃怒面數如松殺降
之罪如松益大恨與贊畫郎中劉黃裳比而構之未
發如松大敗於碧蹄館退保開城行長據龍山憑險
而壁清正自咸鏡趨截鴨綠江經畧宋應昌時駐兵
定州前後皆阻倭計無所出黃幕下士馮仲饒金相

皆奇士也仲纓言於黃曰師老矣倭不能款而我兵
遂退又不可清正狡而悍貌行長而貳於闕白願與
相偕往可撼而間也行長雖叛而清正受款則我退
兵亦有辭矣黃以告應昌乃遣仲纓往清正盛軍容
迎之仲纓立馬大言曰諸酋恃強不知天朝法度汝
故主源道義受封天朝二百餘年爾輩世世陪臣也
爾敢慢天朝忍遂忘故主乎清正者薩摩君之弟為
平秀吉所畏故仲纓以故主動之清正唯唯邀仲纓
入帳宣言曰汝巨州名將故主之介弟今破王京者

行長也議封典者行長也彼以弄臣儼然主封貢挾
天朝以為重而汝雄踞海濱自甘牛後心竊恥之今
與我定約急還王子陪臣退兵決封貢勿令冊封盛
典出自弄臣此亦千古一時也清正額手曰謹奉教
解所著戰袍與仲纓歃血約盟令王子陪臣謁仲纓
叩頭謝訂期歸國即日自王京解兵東歸仲纓之往
也金相度黃裳輩內忌之必且以通倭為言搆仲纓
以為中黃地乃率健卒二千分伏南山觀音洞邀其
歸師殺倭九十餘生擒其將葉實仲纓歸黃裳果以

為言仲纓取相所斬首級示之且賄遺其幕下而止

如松卒以十罪數黃坐廢家居年七十卒

野獲編癸巳一贊畫

者以拾遺論罷其人故耆夙名士為太倉相公門人
號相知意其能援手時競傳闕白已死遂作一書名
斬蛟記首云闕白平秀吉非人亦非妖蓋蛟也漏及
於雄陽化成此首素嗜鵞在朝鮮時曾謀放萬鵞於
海中闕白恣啖因得割及而主之者曇陽大師也記
出遠近駭怪其同邑先達遂作闕蛟記詆之以快宿
隙究之闕白實未死此君亦未得出山而太倉相公
曾見此記與否皆未可知也斬蛟之說亦有所本潘
璽卿士藻馮司成癸未所錄士滯符臺十年在京偕
諸名士立講會每云吳猛鎖鐵柱宮實多遁去者許
真君約後千年當生八百散仙戰此孽魔今正其時
矣我為一人與其某等皆同列予師司成公亦其一
也京師信之競求附仙籍後數年東事平錄其勞贈
所指贊畫即表了凡也

尚寶少卿初黃為張居正客居正議正樂律依古法
造密室三重又依蔡氏多截管以候氣不應使黃視
之曰候氣之室宜擇閒曠之地今瓦礫叢積則地氣
不至一不合也外室之牆宜入地三尺二重木室入
地一尺六寸三重木室入地七寸六分今皆不然僅
可固地上之氣而不能固地中之氣二不合也室三
重各啟門為門之位外之以子中之以午內復以子
所以反覆而固氣今皆面午三不合也聲律之元寄
之象數必有自然之理今所截衆管大小不同四不

合也天之午常偏於丙二分有半今日圭所測是也
地之午常偏於午二分有半冬至候黃鐘之管宜理
於壬子之中位一而已豈可多截管乎五不合也居
正如其言擇地於天壇之南隅候之飛灰果應居正
大喜以正樂之事屬之黃請先改歷法語不合遂謝
去黃嘗受歷法於長洲陳瓌其法本於回回歷而以
監法會通之更定糾正五緯號為詳密歸著歷法新
書黃又喜形家言嘗過太倉至劉河見有沙界海口
笑曰此獼猴吐舌也不三十年其平陸乎至熹廟時

淤為平地於是吳淞海道累濬不能通著袁氏易傳

論語箋疏石經大學補河圖洛書解皇極考皇都水

利考及兩行堂集經義考袁氏黃周易補傳四卷河

生被劾回所著易補傳圖書解一卷未見俞汝言曰先

過格祈嗣真詮盛行於世不可解也石經大學補一

卷尚子儼少為諸生初名天啟以符熹廟年號更今

名字若思天啟甲子舉人乙丑進士知高要縣一歲

卒儼有文名能振其家學經義考袁氏儼尚書百家彙解六卷

過庭訓字爾韜號成山平湖人遠祖宗一字貫之少

孤元至正間張士誠畧地至海上宗一負母而逃卒

與寇遇以身蔽母中數創既免為傭以給食母歿六

年不克葬寢苦服衰語輒泣下有白燕巢其室洪武

中賜旌載貝瓊為傳喬孫橋橋子厚庭訓父也庭訓萬

厯癸卯舉人甲辰進士焚餘稿余自壬午入學至今所觀宗師可二十許所心服

獨蘇紫溪師歷乙酉丙戌丁亥戊子四年無月不校

士無日不衡文低昂百不失一若吾邑施羽王陸開

仲劉方瀛過成山皆師首拔士也間知江陵縣卓異

并其人終身品格評之文而若燭照知江陵縣卓異

擢雲南道御史辛亥京察後抨擊四起班列為空癸

丑庭訓上疏曰今日議論紛糾人材摧折皆以門戶
兩字深入於心不能洗滌之故宋臣歐陽脩有曰朋

黨之說自古有之在人主辨其君子小人而已今日之門戶即昔日之朋黨概收之則熙寧元豐之覆轍可鑒盡棄之則白馬清流之遺禍甚慘從中寬為收採而嚴為區別則漢文之治所以侔德成康而宋仁之治所以享國長久也皇上亦知門戶所自來乎自個儻非常之士遭時不偶久擯不用擇其中之氣節較著學行純備者以為盟主而其立教又多祖歸斯受之不拒不追之大指此門戶所自來也自臺臣吳亮發願憲成救淮撫一書因而具疏有云臣東林人

也知有東林而已等語於是攻之者與救之者紛起此門戶之議論所由盛也延及於今滋蔓極矣顧就其入於門戶之中者自有異同有激於高山仰止之念而願為執鞭者有受其知己之恩而奮身酬報者有胸中原無特操隨波逐流一入而不能出者有念切熱中借以覆蓋令人莫敢誰何者此則就門戶之中而其品區以別矣即就其出於門戶之外者亦自有異同有念出空洞不欲借人以為重者有中多忿激必欲擊之以快心者有依回觀望四面占風而故

無所著者有外託於通而其中實不可方物者則就門戶之外而其品亦區以別矣今諸臣之章疏具在御前皇上若一一檢發則議論之孰平孰偏心術之孰公孰私不啻較若黑白惟概以留中為優容以故甲可乙否朝夷暮跖以意見之異致議論之相角似有不共戴天之讐以議論之激致人才之剝落幾有舉國一空之勢此在諸臣固無所逃罪而皇上亦何辭於當斷不斷也哉大都今日之人才節取偏收則可備干城股肱之選者固是不乏洗垢索瘢則可供

斧斤牛羊之具者亦正不少若必同己者進異己者退則笑談便為射的修士定無完膚即可以快一時之忿而國之元氣所傷多矣目今副憲狼狽去國總憲相繼出都而冢臣亦決志求去不可為明鑒乎故臣願以虛之一字破諸臣門戶之偏見尤願皇上以斷之一字剖諸臣門戶之宿根而臣更有說焉門戶之偏見原起於在朝與在野合而為一在朝者欲借在野之聲望以為重在野者又欲借在朝之權勢以為援總因廢棄之臣日積月累永絕賜環之望故門

戶之見此倡彼應終無息浪之期若將廢棄諸臣分別起用則在野之覬覦已息而在朝之議論漸消是正所以破糾紛之見也枚卜大典盛世則操之天子季世則操之權臣亂世則操之宦官外戚年來則操之散處山林而參與朝政之人既有所推戴於此則必有所驅除於彼數年之間資望相應之人多所驅逐而議論迄無歸一者大率坐此茲疆場多敵天災示變夏秋之間淫雨為祟都城內外平地幾成江湖人民湮沒不可勝數東南財賦之地亦多類此大小

臣工正宜一德同心講求禦侮之方拯救之策豈宜
自相矛盾多所推折幾成抗拒之氣象皇上亦何忍
以清和成理之天下養成不陰不陽之天下以祖宗

培植之人材視為可有可無之人材哉不報

明史稿
孫振基

傳翁正春會九卿趙煥及都給事翁憲祥御史余懋
衡等六十三人議坐韓敬不謹落職間住御史劉廷
元董元儒過庭訓敬同鄉也謂敬闕節果真罪非止
不謹宜奪職聽勘執不署名意欲遷延為敬地正春
等不從持甲寅疏糾葉向高謂其動以江夏歸德為
初議上護身之符四明崑宣為陷人之弇甚且借江夏以結
好楚人而楚人不受又欲借四明以甘心浙人亦不

報于王立與郭明龍壻書令岳葬地未定不肖欲於
作所中人精神家言者相攜同至沙羨豈意風波橫
貴陰謀險計靡所不至即湯賓尹及韓求仲無端相
讐皆此二人多方挑激以致湯韓竟入逮魂陣中更
不得醒劉廷元過庭訓皆平兩入與和聲同郡其論
僕疏皆和聲手筆而立謀則文蔚也
於浙仍弔其乃翁渠知不肖遠行遂令人流播入長
安云不肖走燕代人謀大拜其德故以理根伏案使歸
謀則恐自愛而不萬一召起歸德故以理根伏案使歸
德自疑有證不肖之在楚者乃云令岳既到楚中恐楚
中言路有證不肖之在楚者乃云令岳既到楚中恐楚
交楚人皆相讐以疑誤貴鄉耳食之令岳既到楚中恐楚
云熊芝老之勘不肖亦與其謀夫熊荆之忽構正不
肖窮冬在道之日豈有分身之術耶近見貴鄉官給
諫之疏致死攻不肖則浙計已行矣熊芝岡學政之
妙有生來所罕見不肖逢人極贊此中士大夫子弟
見革者恨之入骨不肖與姜養沖二人力折其衝周

春臺史啟愚皆以其子之在劣等頗有惡聲不肖因
言人家子弟正欲使之有所警發自奮若但讐上官
使之傲然自是則其弊不可言矣況使熊公祖聞之
亦如房學院故事將劣生儒文字盡行刊布并上長
安其辱何可支史文老成尚不為怪周春臺竟以不
肖將教芝老當刻文辱之恨遂次骨而今更以不肖
於芝老所辱芝老當刻文辱之恨遂次骨而今更以不
狂童所辱芝老當刻文辱之恨遂次骨而今更以不
詆芝老以收妖書始末亦非郭宗伯手筆乎弟視富
以攻不肖將妖書始末亦非郭宗伯手筆乎弟視富
貴功名不啻幻夢至於禍福各決有定命一任此
曹安排但令岳一段交情取為小人所抹今且聞偽
造一絕交書將欲飛布如此則令岳一片天啟辛酉
鐵石肝腸將為小人冀土故特詳以告兄天啟辛酉
起應天提學御史以疾乞歸補江西叅政又以黨事
引疾歸魏大中答書一人自為一人一事自為一事
道理平鋪著地本是直截通曉而載鬼觸藩

葛藤不了人以疑人事復生事商謎轉訛
閩題轉開日更一日不知倒瀾之焉底
廣叅政遷福建按察使陞應天府丞卒於家
公召為南京兆獨堅卧不起謂人曰諸君欲借此翻
局則身名俱敗矣其後大半入逆案而過庭訓不染
著國朝分省人物考及平平草行世舊志稱崇禎改元贈府尹予祭查崇禎日鈔五年三月廿九日吏部一本先臣賑濟事覆府丞過庭訓不准贈級立案註銷則雖有前命亦註銷矣孫澤充字涵暉以能書名

璘字太璞宗一族孫父仍贅華亭顧氏家焉璘少
喪父年十九猶逐什一之利忽翻然就學成化乙酉
舉於鄉丙戌成進士授工部主事出督呂梁洪等分

司濟寧開改刑部主事許州民趙道隆以妖言被誣
坐死連及數十家璘奉命往勘出之厯員外郎郎中
賑饑山東還陞江西副使豐城李民泰誣陷平民兄
弟三人為盜繫獄十年璘廉得其情杖殺民泰而釋
之以目疾歸家居二十年雖病目猶好客每命酒召
時流談經史掌故不倦年七十九無病而逝

嘉禾徵獻錄卷二十一

國子監

郡人盛楓丹山輯

男支焯裝訂

陳鑑

曾祖賓

父潤

馮夢禎

孫延年

王嘉會

李自華

貝

瓊

祖謙

子翻

翻期從子翼翰

閻貞

鮑旻

曾雨

祖宗大父春

兄丙

王士賢

蔡天錫

女適何

黃盾宗

父文杰

弟紹宗

紹宗玄孫康

仇俊卿

父希

子原史干城曾孫祚熙

陳鑑字緝熙本姓商嘉興人元季曾祖賓避地長洲

之周莊冒陳姓父潤坐累謫戍益州道京師遺鑑養
於故人范叔瓚家稍長從方外王卿一為道士少有
高資竊好儒家言能通其說下筆為文章有奇氣以
事如浙東市書盈篋而歸晝夜誦習卒為儒者正統
甲子中順天鄉試第二入國學戊辰成進士廷試一
甲第二授編修景泰庚午代祀北鎮醫巫閭還充經
筵日講七年遷修撰明世說新語景泰間命修通鑑
陳綱熙遷成一詩末云不知班馬韓歐輩曾為修
書開幾場明日二人悔恨謝曰毋更貽斯文笑也英
宗復位奉使朝鮮歸庚辰充會試同考明年預修一

統志尋選充東宮講官壬午主順天鄉試丁母憂服除遷侍讀修英宗實錄成進侍讀學士成化戊子主應天鄉試教習庶吉士祭酒邢讓遷禮部侍郎以鑑代為祭酒鑑為人莊重簡默於條教無所改時學正等官率多淹滯鑑因上言向例南北兩監官與在京諸司官一體敘遷未始有異如學正曹璉等陞僉事邊寧等陞知府景信等陞長史張福等陞知州魏齡等陞監察御史是以人知激勸不敢怠弛遂巡至今一居教職動經二三十年盛壯入雍至敘遷而出已

不勝衰頹之感是名為國子師實禁錮人材之地矣
去年祭酒邢讓亦嘗建言然拘於出身限於考滿兩
監各官卒未甄拔一人乞訪各官稱職者不分出身
不拘年月量陞長史同知知州以寓激勸如遇三品
以上官會保及本部推舉者亦一體陞用命下吏部
行之故事國子師生月給錢為飲食費以事去不及
給者貯為公使錢更數祭酒皆然至邢讓繼之頗繩
以法人有後言大學士萬安惡讓誣其以公錢入己
且及鑑鑑不求解遂上聞詔大臣雜治讓力辨鑑嘆

曰吾以師道自居乃對刀筆吏掉口舌乎竟不辨坐
除名諸生數百人詣闕訴枉不報卒於家鑑容貌岸
然望之若不可親就而聆其言論藹如也人有善喜
為之稱而疾惡如讎卒以得禍少罹患難能自樹立
及登第得官而父歿成所因東使代祀函其父骨歸
得旨賜葬母卒居喪三年不肉食不內處朝廷方修
實錄有詔起之求終制章再上始允為文才膽而氣
完所著有芳菴集筠廊二筆景泰朝陳緝熙祭酒鑑
收藏書畫甚富尤善臨摹嘗得褚
摸襖帖一卷雙鉤入石更搨數本分綴宋人諸
跋謁當時館閣諸大老重為跋尾付子孫藏弄

馮夢禎字開之號具區其先高郵州人後徙秀水祖

父皆不知書夢禎早慧遣就塾未幾文名籍甚隆慶

庚午舉於鄉萬曆丁丑會試第一授庶吉士

明世說新語馮

夢禎館試先一日杜門理舊業屠隆曰足下云宦情

本薄欲蚤尋僕於西湖之上僕信人也且先至湖滄

埃子矣今若爾

英雄欺人哉假歸限滿赴館浙人為庶常者四人

沈自邠陸可教楊德政三人者皆留夢禎當補外座

主張四維宛轉於張居正得補編修

湧幢小品江陵之子居二甲馮

遇之無加禮張怒言於父盡留三人將以抑馮蒲州

計無所出命馮駐郊外俟江陵有家慶過拜甚恭而

作絕曰是會元還他編修蒲州悅飲盡歡方出次日

館職補

癸未充會試同考籍所得諸生文為得士錄

丁亥京察以浮躁降用辛卯補廣德州判官尋遷南

行人左司副改尚寶丞稍遷南國子司業進右春坊

右諭德兼侍讀掌南翰林院印充史館副總裁甲午

復乞假歸野獲編李晉江廷機取元時各房俱無異

福德溥卷為當第一李聞之不樂至甲午應天鄉試

李為主考出管仲之器小題馮為南掌院作擬程為

一時膾炙晉江程大蘧之心銜益深適李來謁馮迎

謂之曰公所取士不但文佳即擎榜徐生亦名實俱

稱果擎得起李驚愕別去詢於人蓋未名為徐學易

除州監生素以力聞能於監中扶堂柱離地數寸而

時文不甚佳也李益憤憤後馮為祭酒被言聽勘則

郭江夏代之賴其力得昭雪使晉江在事馮其殆矣

卷三十一

乙未起左庶子進南國子監祭酒丁酉被劾罷明史稿
憲成傳歐陽東鳳為南刑部主事劾夢禎不檢東鳳
字千奴潛江人知常州府為顧憲成建東林書院者
也分省人物考部郎市榷成均生夢禎疏論罰之
諸曹灰目他郎撫誣夢禎而夢禎在南翰嘗作鄉錄
擬程真程奪氣多為地遂予休沐又云致仕同知
表履善福徵以脅徐華亭得數百金即家補官出為
鄉評所不與袁後為唐府長史坐事褫革問徒歸家
暮年游金陵時馮為祭酒少時與袁諸子同社相善
至是有所闕說馮不能盡從因構飛築別業於西泠
語中之歐陽比部白簡印其筆也
幅巾野服嘯傲湖山間嘗攜家姬泛湖少年輩不知
其為司成也輕舟隨之諧謔百出至學士港夢禎出
謂曰老夫已過學士港矣少年乃踉蹌去其風致如

此湧幢小品具區不甚教子每嘆曰人生自性苦若
孤山日得附林處士足矣并買舟西湖二女侍歌舞
甚適不能飲唯佳茗清香與衲子為伍評者曰拋却
富貴易并夢禎文章衣被天下歸田日獎掖後進疊
疊不倦家藏快雪時晴帖因以名其堂之祭酒買金
秋字家王維江山雪霽圖一卷後有寶晉齋數帖卷尾宋僧一
石莊武定蘭亭一卷後有寶麟鳳芝草世間罕有者
跋字畫甚佳忘其名二卷乃麟鳳芝草世間罕有者
今王畫馮家且索價千金矣董文敏書眼畫家右
丞如書家右軍世不多見京師揚高郵州將處有趙
吳興雪圖小幅頗用金粉間遠清潤迥異常作余一
見定為學王維今年秋聞維有江山雪霽一卷為馮
宮庶所收亟令友人走武林索觀官庶珍之自謂如
頭目腦髓以余有右丞癖勉應余請清齋三日展閱
一過宛然吳興小幅度筆意也庶子書云此卷是京師

後宰門拆古屋於折竿中得著尚書大意見經義考真實之凡三卷皆唐宋書畫也居士集亦名快雪堂集行世居易錄馮開之先生集靜志居詩話馮公儒雅風流名高三席歸田之後間娛情聲伎筆歌酒譚望者目為神仙中人詩亦不蹈時習五古能盤硬語尤見意匠經營卒年五十八錢同謠若沈君典屠緯真昏不及也益列朝詩集鉛山費太僕堯年病革入孫延年字千冥見馮祭酒開之主東嶽舉以自代秋鄉貢有秋月菴稿施閏章獲齋詩話小青詩盛傳析情字為小青耳余至武林詢之陸麗京折曰此故馮具區之子雲將妾也所謂某夫人者錢唐進士楊廷槐玄蔭妻也楊與馮親舊夫人雅諳文史故相憐愛頻借書與讀嘗欲為作計令脫身他歸小青不可及夫人從官北去小青鬱無可語遺書為訣書中云云皆實錄也小青以命薄甘死寧作霜中蘭不肯作

風中絮豈徒以才色重哉客問小青固能詩恐未免文人潤色陸笑曰西湖上正少此捉刀人

王嘉會字原禮嘉興人元末客授松江為人溫淳和緩後進每樂從之游上海令康伯愚見其詩辭淳雅禮為上賓洪武初詔天下舉明經之士嘉會應聘至京賦詩稱旨試其文復賞異之除翰林檢討壬戌九月陞右司業時宋訥為祭酒太學生肄業者常數千人嘉會與訥及左司業龔敷嚴立規範月旦程課井井有法三人者春秋並高鬚鬢鬢如旦夕端坐諸生望而畏之六館皆率教吏部取擢輒能其官

南雍志洪武三

十年立京衛學以教武官子弟在監者惟官民生官
生二等一曰品官子弟二曰外夷子弟入監者
第三出身石則坐班十年之上乃得撥歷成化初令大
臣三品以上適子試其經學既通始許入監弘治以
後凡京官三品已經一考給誥命者許入監自陳免
考入監未及一考并有過効退及年遠離流出身者
不許其蔭子未仕物故准令補蔭無子者許蔭繼嗣
之子若應得蔭子恩典而死與奉使外國而罹死禍
亦者准入監外夷子弟高麗日本一再就學琉球則
常至焉民生亦有科貢二等科始於洪武三年庚戌
鄉試至五年始選會試下第者不入國學十七年定科
舉之制凡會試下第與赴禮部不及試及辭乙榜不
就職皆得充監生歲貢在國初視科舉尤重府學一
年一貢州學三年二貢縣學二年一貢凡通四書未
通經者居正義崇志廣業一年半之上經史兼通文
理條暢許
升修道誠心堂坐堂一年半之法孟史兼通文義俱
優升率性堂方許積分之內科一道季月試經史
道仲月試論一道詔誥章表內科一道季月試經史

策一道判語二條每試文理俱優與一分理優文劣者半分文理純繆者無分歲內積至八分者為及格與出身多擢藩臬方面及部屬科道等官亦有除府州縣正貳者否則仍坐堂肄業建業之盛至永樂二十年冠帶舉人官民生方瑛等九千九百七十二名凡監生歷事者謂之正歷寫本及辦事者謂之雜歷南京五府六部等衙門辦事監生一百二十四名上嘉其名差撥內外衙門辦事監生一百二十四名上嘉其勞績眷待殊厚癸亥冬以老疾乞歸令在官調治甲子七月病益劇特賜致仕未及啟行卒於官舍年八十餘明史稿附上命應天府給舟車還其喪發引日所在官司備禮祭之見南雍志明書同時松江孫李自華字元實號見亭本華亭人寄籍嘉善中嘉靖

甲子舉人乙丑進士廷試一甲二名授編修直起居
注隆慶戊辰會試充同考官遷國子司業不樂仕去
官得羸疾卒於家

黃肩宗以字行海鹽人父文杰洪武中舉賢良為秦
府教授遷知縣胤宗資稟絕倫有神童之目伯父文
俊無子為懷遠丞卒於官父命為之後肩宗迎其喪
歸葬建文改元己卯舉於鄉庚辰成進士授汀州府
教授丁母憂服闋改彰德府教授永樂乙酉戊子兩
典陝西鄉試擢北京國子博士加檢討仍掌博士事

在官三十年公餘閉門罕與人接著兩京類藁

見兩浙名

鑽第紹宗鄉貢以父教授秦府遂居陝西玄孫宸以陝西籍中嘉靖丁酉舉人丁未進士官汝州知州

貝瓊字廷琚

廷琚字

又名闕字廷臣崇德人祖謙宋太

學上舍瓊性坦率不事邊幅而篤志好學善為文師同邑黃次山及會稽楊維禎元季隱居教授於松江游京師會有真德秀裔孫女名真真者淪樂籍翰林承旨姚燧出金贖之嫁屬官王棣瓊作真真曲美之因知名年四十八領鄉薦張士誠據平江隱於及山

累徵不就洪武庚戌舉明經預修元史壬子出典浙
江鄉試元史成受賜歸靜志居詩話元史初成為期
年詩所云草草便垂千載後遲遲難俟百年餘是已
李善長表進文亦云據十三朝實錄之文成百餘年
粗完之史於時以順帝三十六年事無實錄可徵未
為完書孝陵復詔儀曹分遣呂復張貫歐陽佑黃盅
等十二人分行天下凡涉史事者令郡國上之又遣
儒生危於等歷燕南北開局於故國子監采訪文字
請行中書官印封識達京所三年二月仍命宋濂王
禕為總裁官續完元史分纂一十五人見瓊廷瑤與
焉以是年七月竣事其牽率猶如故也獨怪宋王諸
公負一代重望宜其討論精詳用成信史乃任其繁
蕪重復遂出宋金諸史之下何哉良由孝陵猜忌諸
臣畏觸逆鱗表進之書不復更其隻字但就庚申君
事補綴與前編絕不相蒙致有一人而癸丑又以儒
作兩傳者史至此驚蚨蝶之不如矣

士舉除國子助教嘗慨古樂不作所謂成均者徒有

其名乃作大韶賦以見志賦曰有東吳公子北走齊

林主人焉主人曰公子之游也亦將有所觀乎曰無

也生於震澤三泖之側僻陋寡聞竊慕禮樂之事而

六律七均之制嘗究心久矣願有請於大人先生主

人曰嘻吳會東南之天府天下之善音萃焉而公子

猶有所未足豈將厭淡薄而說鑾鏘乎必將挾陳娥

鵲趙女擲鵲絃考鼉鼓若是以播越也廣陵之散晉之所

悅曰霓裳之曲唐之所以播越也又夷狄之樂無異紂

以分裂也固不足言矣若此者又樂乎願聞其他主

之靡靡以亡其國者豈君子之所樂乎樂聞其主

人曰七德之歌七德之舞太宗之肇王業也亦嘗聞

之曰伯者之事子孫無所法焉曰漢祖建嬴龍飛沛

中置酒層臺悲歌大風造基四伯先啟西東若是者

何如公子曰猶有伯心之存也駁而未純然亦一世

之雄乎請言其上主人曰抑聞武之六成乎武之濟

河而西也馬散弗乘牛散弗服倒載干戈包以虎皮
天下知其寢兵弗用也爰作武以發揚焉鼓以戒衆
久然後戰也長歌遠延起其慕也發揚焉鼓以戒衆
失也故一成分左右以成滅商三成自北而南四成南
國是疆五成左右以成滅商三成自北而南四成南
振鐸夾舞秉戈鷹揚若是者何人公曰其惟舜之大
此武事也未盡善也請言其九功形九歌嶧陽之桐
韶乎當琴瑟焉雲夢之篠金可以竅管簫焉八音
可以琢而為磬焉荆山之金可以竅管簫焉八音
既可具而大體短脰之屬有金可以竅管簫焉八音
既具而大體短脰之屬有金可以竅管簫焉八音
簾焉小體竊腹聲清而遠聞者以之為磬焉充清者鑿
也控以合之其終也揭以止之者以之為磬焉充清者鑿
而介淒切而不流泛濫而可會當夫朝廷之燕享宗
廟之祭祀於是而奏焉升歌在上匏竹在下代作間
奏秩秩有序或擊或戛或拊或搏清亮而高遠象乎
天之渾淪廣厚而含容象乎地之磅礴一變一通兮
四時之始終一散一潤兮風雨之回合是時也熙熙

然八荒一春皞皞乎洪荒太樸格三苗於洞庭丹朱
賓而有恪俯而聆之純如辛甘之相濟職如有倫而
莫錯如斷王之復續繹如驪珠之碎落飛流合而
萬壑雷轉清風生而天籟交作吟九困之老龍喚以
臯之玄鶴既么妙而悠揚亦和平而濬薄無急微以
感其憂無慢易以感其樂其動於物也容何為而肅
若神何為而來思獸何為而舞於土階鳳何為而翔
於茅茨明協乎大章博擬乎咸池所以保無窮之治
以示安而不忘乎危也悼六龍之南巡歷蒼梧而上
九疑阿母之玉管猶在湘靈之錦瑟空悲悵遺聲之
寂寂叫有虞兮遠而然而齊之有韶陳亡而流於茲
也海外之有韶聖人之化播於蠻夷也宜季札觀之
而知德仲尼學之而忘味彼武之六極於陰特著其
武功此韶之九極於陽實昭其文治也公子以爲何
如公子乃避席而謝曰至矣盡矣不可有加矣主
人曰未也請授以九德之歌其一洪流橫曰玄黃判
風氣開洪流橫民乃災五行汨帝爲哀禹治之啟始
孩決九川平九垓百穀生田每每其二洪流殺曰洪

流殺今民災既除山有鳥獸兮三苗有魚爰可食兮可
居胥樂且歌兮三苗忘險阻是依出師於南奮我帝威
撫有九圍蠢蠢歸其四山黜曰德與刑兮國之
我師既還苗亦來歸其四山黜曰德與刑兮國之
經四凶斤兮八元在庭帝無為四海寧其五正德之
歌曰惟天降命物必有則民之薈薈胡乃自賊五教
不行禽獸夷狄聖人龍飛四方之極其六利用之
曰水既平兮別九州下為隰兮高為邱徒則無憂其
則舟以美濟兮九百化乃流財孔阜兮樂且無憂其
七厚生之歌曰父下民孔艱兮遭墊溺寒我衣兮我
食我母民違兮天下萬物治寒暑無易風而時蕭韶九
舜不辭授以天下萬物治寒暑無易風而時蕭韶九
奏朱鳳儀其九萬世賴曰天覆地載高廣莫則孰
贊是俾衣而食帝治天下如埏如埴萬世賴之安知
其力公子曰嗚呼禮廢樂崩幾千我矣而始聞主人
之宏論乃復為之歌曰雅南已亡兮流蕩曷止感栗
雷怒兮空桑無聲綠綺不陳兮薦檀槽與秦箏妖倡
為妍兮肅鸞鳴而帝燕鶯孰究夫大韶之盡善盡美

今實比夫六英六莖後千載之聖人今集厥宋濂為大成安得聞九奏於清都兮御天風而上征

司業建議祀伏羲神農黃帝堯舜禹湯文武於天子

之學上黜其說不用而世之文儒猶有疑之者瓊乃

作釋奠解辨之曰或欲祀三皇於學以孔子配之可

焉死則以為樂祖祭於瞽宗按文王世子篇凡學春

官釋奠於其先師秋冬亦如之若禮有高堂生樂有

制氏詩有毛公書有伏生皆先師也又凡始立學者

釋奠於先聖先師釋者必有合也有國故則否蓋謂國無先聖先

師則所釋奠者當與隣國合若唐虞有舜伯夷周有

周公制禮作樂宜享王者之祀於是罷周公升孔子

配以顏子唐永徽中復武德舊制顯慶二年以長孫
無忌言正孔子為先聖仍是以唐所主先聖先師已
釋奠孔子定為三皇也夫三皇宜祀而不得祀之於
學也學始無孔子廟惟魯有廟然其教被於天下非
一國所得專者故天下通祀之學而有廟由孔子而
建則宜以孔子為先聖使居孔子之上不足以褒其功
今使崇三皇為先聖使居孔子之上不足以褒其功
降孔子為先師使混於高堂生之列適所以貶其德
故吾的然以為不可也或曰古者祀舜禹湯虞夏
於夏學何獨於殷學之祀非之曰東膠舜禹湯虞夏
祀舜禹湯文今祀三皇之祀將於何學歟雖然三皇之功
及於人者遠矣而領之於醫特主神農嘗藥之一事
理有未盡者宜定其制設丙辰遷中都國子助教鄭
官主之以豐其祀可也丙辰遷中都國子助教鄭
名臣記上嘗坐奉天殿召四子助教及會稽錢宰趙
倣金華鄭濤諭曰汝等以孔子所定書誨諸生若蘇

秦張儀由戰國尚詐故
得行其說宜戒勿讀

戊午致仕明年卒於家明史稿有

傳葬禦兒著中星考一篇見經考清江詩集八卷文集

三十卷子翻字原憲以人才舉官都督府經歷次擢

字原翬舉明經官中書舍人終楚府紀善有文名至

今武漢間碑版有存者著平澹集

靜志居詩話紀善集以平澹名故管

長史寄詩云花竹臨牕筆硯清初秋一雨便涼生錦

囊平澹詩千首近日新編幾卷成詩如夕陽山好樓

中見春水船齊樹杪行信平次翔字原舉亦以人才

舉官國子學錄從子翼翰洪武辛亥同中式本省舉

人翼官中軍都督府經歷翰官武安知縣清江集中有環碧堂

記堂在幽湖巨族朱顯道世家於此番陽周伯溫以大篆體為書環碧堂三大字以廷琚嘗主其家屬之以記方全盛時傍湖而居者非一飛樓湧閣雖南湖不足侔其壯麗朱氏世為揭李人始祖其宋文林郎侍料院官其子思明元進義縣尉轉嘉興縣錄事司判官思明之子青陽教諭仁甫建顯道四世顯道攻醫得九鍼補瀉法於金華王瑞菴云按今幽湖迎非明初之盛而朱氏亦久無聞人錄之以備考閱貞南雍志字養正南雍志嘉興人永樂癸未特科舉人甲申進士知景陵縣廉介有為孜孜惠愛百姓為立生祠見明一陞南國子助教靜志居詩話頤正一首浙音彙編謂官至雲南右布政使考雲南舊志布政使題名記有嚴貞寧波奉化人乃永樂戊戌進士別是一人

鮑旻字景仁嘉興人永樂丁酉舉人湘鄉教諭淮安府教授於生徒親若父子正統間遷南國子助教淮安府志有傳

曾雨字文霖號麟湖秀水人祖宗大龍江縣丞父春為諸生時知府柳瑛命與平湖教諭林光同修府志晚充鄉貢未仕兄丙字南湖嘉靖中為歙縣教諭再補南靖乞休雨嘉靖乙酉舉人知滕縣邑當孔道值流賊殘破旱蝗相仍前令皆註誤去雨潔清自守訟者平之以情有逋稅不急責察縣西南有瀕河漲沙

可數十頃不入稅額乃賦與貧民墾闢課其入以償積負以是民復甦息流移歸業者千計奉檄濬三泉灣疏昭陽湖及荆溝渠接運道凡十有八處又酌行上中下戶養馬法每歲印烙種馬民以不擾病上官代之乞間改汀州府教授時丙亦補南靖教諭學使以寧化等學乏科目乃選諸生稍優者王希旦等數十人來汀就學而用吳越塾師法教之同郡張寧知汀州府為名臣雨請於上官祀寧學宮永定多盜官校束手雨署縣事遣秀才劉榮說賊歸化遂降以薦

為國子助教郊社禮成賜宴及白金因馬蹶傷卒於官

王士賢嘉興人永樂丁酉舉人廣德州訓導程課生徒具有成式終國子學正

蔡天錫字吉夫崇德人嘉靖中鄉貢授龍陽訓導出俸錢以葬貧士攝縣事秋毫無染縣金購劇盜寘之法遷清江教諭有生寄食僧舍僧懼發其陰事訕殺之天錫為告於有司抵僧罪遷國子典籍乞歸年八十六卒天錫有女嫁同邑何鶴齡鶴齡日以醢博罄

其業飢窘為偷兒烈女泣諫不從鶴齡父死不治喪
乃悉衣資營治之又屢迫烈女從娼女度不免沐浴
更衣以青白線自經死事聞賜旌知府趙瀛為立祠
於王溪鎮南即葬祠後仍給祭田春秋祀之隆慶初
建坊

仇俊卿字舜徵晚號謙謙翁海鹽人父霽字彥光鄉
貢峽江訓導嘗書座右曰五倫之間寧過於厚七情
之中惟怒難忍俊卿嘉靖丁酉舉人知惠安縣邑故
無城值海寇充斥請於巡撫王忬撥藩庫銀萬五千

七百有奇城之甫興工改淮安府教授錢唐俞文進
繼至成之後鄉尋陞國子博士倭寇浙西諸郡後鄉
時已家居策戰守機宜上幕府海塘圯繕章令子原
叟詣闕奏請修築得俞旨原叟歸而道卒人重其義
而傷其天云平秀吉之將入寇也後鄉年九十一矣
復上書督撫請如漢橫海樓船故事以張國威卒年
九十二所著有瀛仙集玄機通通史它石海鹽縣志
等書原叟孫祚熙萬曆壬子舉人原叟弟干城隆慶
丁卯武舉

嘉禾徵獻錄卷二十二

翰林院
詹事府

郡人盛楓丹山輯

男支焯校訂

鮑恂父德元

沈謐父復

啟原

自邠

德符從弟純祉繼佑

沈樞孝父弘先後母張弟樞莊子瑞錫

唐肅

之淳

江漢

朱綬女適嚴嚴媳許

趙智

陳繼徵

萬言

黃鏞祖盛母張子正憲

正色

承乾

洪憲

承玄

孫濤

承昊

妻沈紉蘭

陳懿典

高祖昌昌曾孫九德

泰交

祖道父大烈

鮑恂字仲孚本崇德人徙嘉興之西溪因以為號又
自號環中老人父德元歸安縣丞恂少受易於臨川
吳澄三領浙省鄉試乙亥復中易經解元陶宗儀輟
耕錄至正
四年甲申浙江揭曉後有四六長篇題曰鮑恂在榜
鈔白省榜同時版行不知何人所造內云鮑恂在榜
中十四名全賴妻父注建德知事俞鎮按鎮字伯貞
嘉興人行草師李北海亦名士也恂固不愧科名而

後復云姑會舉人更陳座主俞鎮黃緣考試這番豐
卒歲之貲則嘉興人竟入浙闈分考亦見當時法禁
之寬至二十二年壬寅復有作彈文者內云屈
仲孚於受卷易經可謂失人則公論已明矣至正
間授温州路學正改婺州學士張翥御史劉彥博薦
其學有原本徵為翰林不就洪武中年七十餘矣與
上海全思誠字希並以明經召至京師四年京畿考
試詔禮部尚書陶凱侍講學士潘廷堅為主文官恂
與侍讀學士詹同司業宋濂吏部員外郎原本為考
試官朱國祚湧幢小品場中先經後書書只孟子疑
錄中都無程文想爾時規尋告歸十五年十一月以
模粗定至十八年始大備

禮部主事劉鏞薦與吉安余詮登州張紳高郵張長
年復被徵紳以老辭不至恂與詮長年入見上甚喜
並拜文華殿大學士命輔導皇太子以老疾辭上曰
以卿等年高故授此職煩輔導太子免卿等早朝從
容晏語庶不負平生所學恂復固陳素志遂放還恂
為人慎重不可狎而學行名天下後以事累卒於外
有傳明史著大易鈎玄二十卷易大傳義易學舉隅卦爻
要義西溪漫稿靜志居詩話西溪詩傳者絕少曩聞
題畫詩云山橫紅葉晚海鹽胡氏有刊本求之不得嘗見其
寺鎖碧雲涼亦佳句也學者稱之曰西溪先生徐夔始

豐類稿有西溪隱居記

葬千金鄉

沈謐字靖夫號石雲

石山一號

先世自松江七保贅秀水

為秀水人父復以積著起家謐嘉靖戊子舉人己丑

進士授行人使代藩尋選吏科給事中劾罷自宮男

子二千餘人星隕應詔極陳修省感格之道轉刑科

左出為山東僉事調江西備兵大庾計擒賊酋李文

彪等轉湖廣叅議致仕歸

兩浙名賢錄有傳

慕陽明之學建

聞湖書院祀之聚生徒講習其中有石雲家藏集

王文

成年譜謐初讀傳習錄有省即期執贄以先生往征思田及聞訃痛悼不已後為行人聞薛子侃講學京

師遜師事薛率同志講學文湖書院巡按周汝員立
師位於中堂春秋二仲月師生度祀事歌師詩以侑
食後謚起僉憲江右徧復南贛諸祠謚歿參政孫宏
載副使劉懋設謚位附食於祠謚子啟原增置瞻田
又附薛子位於文湖靜志居詩話先生師於陽明
甘泉友於龍溪窮研理學故其詩品亦在元豐淳熙
間子啟原

啟原字道初

一字

號霓川嘉靖丙午舉人已未進

士原家自祖父以來以貧雄里中甲寅乙卯間倭警
迫督撫俱駐郡城文武將吏廩餼不繼原立出千金
助之登第後名在二甲十七故事第十七名當得北
部前一人欲之選司不可卒並授南曹原為屯田主

事司儀真水利轉本司郎中改南儀制甲子充應天
同考出為川南道叅議天全土司高定楊時譽相讐
殺原移檄諭之不煩兵而服丁母憂服除補山東右
叅議分守濟南遷陝西闕南道副使一歲罷歸家居
嘗手一編伊吾至丙夜雖醫藥卜筮之書無不探討
著麟經考鸚園近草巢雲館詩紀星卦論等書所藏
經籍其富有存石草堂書目十卷子自郊

自郊字茂仁號几軒萬厯改元癸酉舉人丁丑進
士選庶吉士授檢討纂修大明會典癸未會試充同

考冊封德魯二藩丁亥會典成陞修撰充內書堂教習未幾為經筵展書兼筦誥敕其在京也割江陵故相宅僦居之妖魅百出日無寧晷尋以親疾請急歸不踰年卒年止三十六初自邠冊藩事竣省啟原於家因同游先福行人董道醇禮部尚書份子也亦以省墓至董奴與之爭道不遜啟原不能堪南昌舉人萬國欽客忝久稔其事及登第擢御史糾彈份并及之明史稿萬國欽傳里居尚書董份大學士申時行之王錫爵座主也屬浙江巡按御史奏請存問國欽削職歸云噫鄉里無狀不宜加隆禮事遂寢自邠所

著有尚書表引

見經義考

子德符

德符字虎臣號景倩天資穎異家藏書既富日沉

酣其中所交皆名人獻老輯萬厯野獲編載官府舊

聞頗為周悉能詩宗尚皮陸及放翁鐵崖萬厯戊午

舉順天鄉試時年已四十一矣不第卒著清權堂集

集陶悼亡詩從弟純祉字受蕃亦以博洽稱萬厯戊

午本省舉人繼佑字開勇入籍吳江中天啟丁卯應

天舉人試

文秉烈皇小識天啟辛酉錢謙益主浙江鄉試歸安韓設與秀水沈德符預掇字眼假稱

闕節令人編投應試者約以事成取價游士多墮其網中錢干我預焉謙益在聞中弗察也此撤棘敬等

即發其事復峻禮科顧其任參議益與本房鄭履祥各罰俸三月與朝野見聞紀畧攷齋自行檢舉之言稍

異

沈懋孝字幼真號晴峯平湖人父弘光國子生父病瘍躬視湯藥衣不解帶者數年生平善訓子自能食能言輒為之式冠則加嚴婚而益嚴閨門之內斬如也感里徭繁重吏胥魚肉貧民作均平議又議立宗子法晚悟天道作受正編懋孝生十日而失母鞠於後母張恩意甚篤懋孝亦敦至性湧幢小品晴峯育於後母張甚有恩意忘其為俞母出也少善病忽劇夢一婦攜之去曰若真吾子有髯翁奪之歸乃甦以質大母具言被服

容止則俞母也於是始知所出而張母撫之益厚公
薦鄉書俞母復見夢為史官事張母甚孝張至欲全
以產付公令畢父喪及己身後事而嘉靖乙卯舉於
後分所生子相守二十餘年乃卒
鄉登壬戌進士過庭訓分省人物考時主試者為袁
論中有君子固曰尊君如天小人也曰尊君如天等
語袁以為刺己稍稍不合會懋孝父病召歸課弟遂
廷試隆慶戊辰始對策選庶吉士陞編修修撰甲戌
充同考丁憂起原官萬曆壬午主應天鄉試越五年
遷南國子司業將之官以壬午中式故相張居正戚
王篆子之鼎被論金陵瑣事萬曆十年壬午主試沈
滿北上面受王篆之託遂與篆子之鼎同舟而南之
鼎號房中皆禮記名士三場惟束手高坐他人代筆

飯食牀褥無異私家且卷子比他人獨高二分易於
尋識一經又擇善書者另謄三卷悉加圈點置之袖
中恐內簾萬一不中便出其卷好舉薦也及揭曉之
鼎怪其名僅在十五憤憤不領公據遂游涂瑯琊山
去焯按此之鼎之中弊降兩淮運判不赴家食者七
在監試與主考無與也

年起河南分巡副使卒有論語類求

見經義考

周易程氏

傳義箋周易四聖象辭周易博義

見經義考李延昱曰先生謫兩淮運

判起河南巡撫致仕

資園文集二十卷

一名淇林雅非也河南副使道耳

集後學稱為東湖先生

湧幢小品太史文集宏雅可頌每卷有序凡二十四篇

弟懋莊號陽和萬厯己卯舉人懋莊子瑞錫萬厯壬

子順天舉人懋嘉字會真諸生有白石遺稿詩話居

鄉屠康僖墓在乍浦陳山山濱海宰木翁鬱遇東風
起有鳥海外來集於樹土人張羅持竿捕之者曰
裁毛鷹亦曰鴈中者曰花雞小者曰鑽籬剖其腹
有青椒其骨甚脆號為秋鳥文學詩陳山西麓海東
頭細網長竿帶綠鞵買得山禽如粉脆屠噴十里稻
花秋蓋紀其實李日華紫挑軒雜綴吾鄉風物極
佳者汾湖紫蟹陶莊黃雀相湖銀絲魚桃花里蠶時
輒壳蝦海鹽鯧白蜆蚶崇德浦秋鳥鰕淡牛乳平湖
馬鮫嘉善風涇青口蜆蚶崇德浦秋鳥鰕淡牛乳平湖
四村笙竹笋鷹窠頂松花葦皆他方之所不能有者
懋嘉子瑞鍾為文章奇奧以選貢知雒川縣不習吏
事歸懋嘉有少妾王氏以苦節聞陳繼儒聞見錄沈
司禮監九人其掌印者如首揆歲納二十四監銀三
萬兩其八人則季輪二人管事凡內之傳宣外之奏
請屬焉是君相之情所由灌輸也二人應直刺於吏
禮戶兵四部居間二事事約千金宰執以此餽之偕

以通官府消息故有所執奏陳請皆如意自蘭溪趙
相無權遂絕其請此輩貪忍性成且積習驟止尤所
不堪遂百計撓閣權至章疏之不暇詳悉中不則乘
其搜廊呼吸之頃目覽手批不暇詳悉中不則乘
因以指摘媒孽使主上輕宰執黃旗搜廊宰執兩
每出故申則內使二錦衣二執黃旗搜廊宰執兩
俱賢錄修撰錢福字與謙其先得之晴峯公睹鄉人
名祖德明徙華亭福督西閩薄氏高嘉興之相鄉人
世實出居放鶴灘福因自號鶴灘祖實出居放鶴灘
祖實出居放鶴灘福因自號鶴灘祖實出居放鶴灘

唐肅字處敬先世家杭州新城遷山陰元末官嘉興

路學正因家於禾靜志居詩話處敬文極為危太朴

與謝僉事原功齊名稱會稽二肅其為學正也盡挈

其家居橋李徐幼文送以詩云路出三江外程淹一
日間高季迪云舟重全家去詩洪武初召修禮樂書
多一路題處敬亦有留別詩

擢應奉翰林文字兼國史院編修以疾失朝罷歸再
召入嘗命侍膳食訖拱筯上曰此何禮對曰臣少習
俗禮上曰曰俗禮可施之天子乎坐不敬謫佃臨濠
卒有丹崖集姚福青溪暇筆洪武間肅有應制賦海
兔草間空詞臣不敢忘規諫却憶當時魏鄭公自注
云是日上街奉天門外西廡房觀海東青宋學士濂
諫曰禽荒古所戒上曰朕所玩之不甚好也濂曰子
亦當防微杜漸肅之詩亦可謂善於規諫者矣子
之淳明史肅附
高啟傳

之淳字愚士肅之卒也之淳負喪歸葬蹟其父游
歷之所荒郊敗壁凡有題詠綴錄無遺少與方孝孺

善建文二年館於李景隆家孝孺薦之朝拜翰林侍

讀同修鑒戒錄三年閏月卒於元津衛官舍

江見墳清

穀齋記為之淳作言所著有萍居稿文斷

按皇明紀

同其父考禮於南宮所著有萍居稿文斷

按皇明紀

李善長北征之淳在軍中草露布帝讀其文嘉之時

上將封王親草冊文不當意遂令飛騎召之使者

不喻旨械繫至京之淳自意不免過其姑之門索姑

出泣曰善殮吾屍姑亦大慟至東華門已扃守者

令以布裹從屋上遁入累纍傳易數通始至便殿上

方秉燭閱書之淳俯首庭下上問曰是汝草露布耶

對曰臣昧死草之淳良久中侍以短几置其前列燭上

令膝坐以封王冊文一篇授之令其更定之淳叩首

固辭上曰即不敢姑註於旁乃奉命註畢上之遙望

燭影中上微微喜次第下其餘十篇悉定夜尚未央

令明旦朝謁復如故絕出至姑家姑尚守門見之大

喜具酒食慰勞及旦庭謁上問曰汝世官耶對曰臣

喜具酒食慰勞及旦庭謁上問曰汝世官耶對曰臣

喜具酒食慰勞及旦庭謁上問曰汝世官耶對曰臣

父翰林應奉即日命嗣父官弁州史乘考誤駁之曰
十王冊定於洪武三年四月至六月肅始為翰林應
奉今以肅為得罪後事一大謬也李韓公既無北征
亦何嘗有露布二大謬之淳洪武末館曹公景隆家
至建文二年始以方孝孺等薦拜翰林侍讀明年卒
原無仕高廟及為應奉三大謬十王冊文多宋景濂
筆是時雖唐肅不得與
況之淳乎事蓋無一實

江漢字朝宗本會稽人元末客游吳中崇德漢氏延
為塾師洪武初以文學召為翰林院編修嘗應制賦
元日早朝詩賜緋袍後請老寓居濮院與親朋游宴
常披賜衣以章君寵有月下清遊集

朱綬字文佩嘉興人成化丙午舉人丁未進士授庶

吉士遷國史檢討侍岐王講讀弘治庚戌王出就府
邸閹宦專擅輔導臣僚殆為虛位綬抗疏論之孝廟
特旨申飭令諸藩政務悉隸府僚永遵舊典遷楚藩
左長史丁內艱服闋改晉藩長史時晉王年耄世子
世孫俱薨旁屬欲竊其柄幽王曾孫於別宮而自請
權國綬密疏以聞王曾孫乃得受封丁外艱歸楚王
以綬請於朝復起相焉晉三品服正德戊辰乞歸先
後藩府二十年兩浙名賢錄有傳綬女適諸生嚴從愛甫三
歲從愛卒無子繼從子其法娶許氏其法亦天死兩

世苦節

嘉善表志曹以山富擅一邑以貧為中書舍人有點胥楊璋傭其家走京師誣告山欲反

并及朱綬輩朝遣錦衣官校拿究璋坐誣棄市時弘治九年也

趙智秀水人宣德己酉舉人癸丑進士改庶吉士不

樂仕進以省親乞歸智本農家聚族居白苧之秀水

橋有四老堂內閣王直為之記曰四老堂者嘉興城

趙氏之秀曰智以明經入翰林為庶吉士所居之堂也

名堂之意謁予告曰嘉興城南多湖水湖之南有大

溪二一名秦溪一名長水南行未十里有鄉曰白苧

橋曰秀水富家大族多居焉其好善務本有趙徐朱

盛四姓趙則智族也智之父質直明達儉約簡靜凡

其所行足為宗族楷法其論事必據於理而能旁引

曲譬以警發愚蒙誨其子弟諄諄無懈怠意而徐氏

存正朱氏謙先盛氏德材相好為莫逆存正外樸內

敏於事無不通有功不誇有善不矜然他無所營躬
率子弟耕稼以自樂謙光性敏喜讀書至老不倦於
經史精究大義而深於四書喜為人講說其書翰算
法尤精德材溫恭謹厚教行於家閨門之內懿德醇
備鄉人有富而驕者必勉以善曰富不足恃也此四
老者今皆七十餘矣居閒無事燕坐此堂蕭散簡遠
之趣敦厚和平之風哀然為堂於鄉里智之受益多
矣因名所居之堂曰四老堂敢請記予未暇作今智
將歸省其親而速文不己予聞古之君子以年德相
高而遂其樂者有之矣香山睢陽之徒是也雖或隱
顯之不同而要皆當時所敬者宋至道中李昉輩懷
然欲繼之而終不能遂則知一時燕閒之樂亦非人
所能必乃天也今天下太平時和歲豐而四老者得
以從容而樂於此堂其得於天也厚矣鄉人子弟聽
其言師其行豈不足為一鄉之善士哉

陳繼徵字肩遠其先由蜀閬中遷吳江之石兜久乃

入籍秀水繼徵萬厯甲午舉人丁未進士知昌邑縣
邑多逋賦驛遞尤衝疲徵至務為撙節會旱步禱而
雨時隣邑皆蝗獨昌邑無之議開膠河力持不可調
繁益都以清勤彊濟稱卒於官孟都志稱其寬厚清
卒子萬言義不受賄
邑人哀送者塞途子萬言

萬言字居一少與妻弟包鴻逵同學鴻逵平居以
良有司自命萬言獨自負館閣才萬厯癸卯萬言舉
本省鄉試第一鴻逵以己酉舉順天亦第一庚戌鴻
逵舉進士知湘潭稱循吏而萬言累不第

李日華味
水軒日記

陳孝廉居一手腕忽痒爬搔不已赤筋團結隱起一進字用墨塗片紙印之筆畫宛然俄漸消沒竟不知何祥已未始登進士選庶吉士各不幸所願云萬言也

在官二年卒有鈺園集謙九堂續集文在堂集行世崇禎郡記嘉興胡維忠秀水鮑用登與岳駿聲項夢原宋鳳祥包鴻遠陳萬言為鈺園七子維忠萬歷已酉舉人福寧州學正用登字百穀天啟甲子舉人

黃鏐字崇文其先豫章人洪武中自新淦謫戍廣洋衛改隸嘉興千戶所數傳生盛成化丁酉舉人官禮部司務鏐祖也鏐少孤母張苦節撫教嘉靖丙午舉於鄉丙辰登進士授武選主事故事武胄嗣官必稽

所持職黃與盟府籍合乃授曹掾率匿其籍以索賄
銓嚴杜之遷職方員外轉武選郎中出知安慶府遷
湖廣副使外察論調不赴歸銓家城東即內閣呂原
宅也有園林之勝子正色次洪憲俱見後次正憲字懋
客著易象管窺十五卷義經考春秋繹一卷見明史藝文志

正色初名遵憲中式後改今名字懋端號貞所萬
歷癸酉舉人丁丑進士釋褐中書舍人考選南山東
道御史初視京營再巡下江以先籍蘇州引嫌辭得
改北山東道出按廣東陞漳南副使外計論調歸子

承乾

承乾字履謙萬歷庚子順天舉人癸丑進士授鳳陽府推官除土豪劉澤遠闔境頌之戊午充本省同考辛酉充湖廣同考召補兵科給事中未赴卒於家

洪憲字懋中號葵陽嘉靖末文體猥濫洪憲為諸生獨刊落枝葉根極名理隆慶元年丁卯有詔崇雅斥浮遂舉鄉試第一辛未會試第二名李詡戒菴漫筆辛未張太岳主會試王荆石以右中允為第二房考得一奇卷欲薦為魁太岳曰此必輕狂之士隨抹兩三行荆石不獲已袖而藏之至填四十名外又固請乃中四十名拆卷休寧曹誥也赴會試不挾書冊惟携戲鐸

鬼面頭子一箱與諸子宴寓舍席間作僵尸選庶吉
令人擡走以為樂聞者皆服太岳之鑒云士轉編修內書堂教習內官同修大明會典直起居
注洪憲為江陵所取士以制義見知江陵歿攻者四
起洪憲喟然曰江陵誠驚顧其輔幼主功不當未減
分宜耶又私謂友人昔以生江陵市今以死江陵市
等市耳語稍聞於人而先是忤江陵者驟從田間起
鋒甚銳洪憲貽書趙用賢反覆馮河包荒之說幾千
餘言愈益齟齬皇長子生奉使朝鮮歸述其國都形
勝曰輜軒錄上之癸未充會試同考直經筵展書掌

誥敕乙酉典福建鄉試崔鳴吾紀事自弘正以來始重甲科而內簾試官皆鄉科
 教職外簾遂侵其權濫觴於嘉隆之間內簾率為虛器萬歷乙酉始准弘治甲子嘉靖辛卯故事敕翰林官知貢舉佐以新科教職
 外簾有司遂一無所與會典成陞右春坊右庶子兼侍讀戊子復主順天鄉試擢輔臣王錫爵子衡為第一羣議沸騰禮部郎中高桂首劾洪憲指斥鄭國望李鴻屠大壯等并及衡上以輔臣故弗問會言者不已始准覆試于慎行筆塵太倉公子雅有家學舉首是其分內徒以黃宮庶游申王二相間甚懽而榜中復多黃所厚士其試卷送禮部儀郎于孔兼摘二卷以呈其一李鴻吳門壻也宗伯朱公猶豫久之于復封送禮科苗給事朝陽亦寢不奏于見形迹已露不可中止風郎中高桂上之高抗直

人部也遂劾黃及太倉公子吳門東牀凡八夫人詔下禮
部查覈且會都察院及科道覆試御史祭酒以吳公中
國學公所避不閱卷惟予及臺長司其事試畢予先
閱卷稍序次以送吳公與予所定皆合予謂吳公曰甲
子舉場覆試丙戌午門覆試皆分二等乃召郎吏具
今雖不定去取亦宜分作二等請上裁即署也舊例亦
草以七人為平通一人為黜吳公見屠在黜列即起取其
通者黜吳公為平通一宜分作二等請上裁再閱曰此
義甚優奈何棄置就不做官也罷要全天理捐臺諫
諸君共閱都諫黃縣王君指對曰卷內數語其
觀之正極不通處諫苗君取視指曰居如五等語却
亦甚大好諫張君曰數語若是秀才可居高直前力爭
吳公大憤懣不能語而儀郎呂興周與高落太多唯
請落共三卷予因謂吳公郎官所請黜落猶欲持
此卷差下既奉旨覆閱豈得漫無分別開吳公上時已
之予厲聲命吏書奏印刻印封侯闕門西

卷二十二

三鼓矣予甫抵舍盥漱即入候講黎明在文華直廬
三相已至延予問狀相顧失色新都曰奏可追否予
曰已上矣縱未上衆印不可改二相公曰然退而大
怒謂予曰如屠生文義可作程式奈何予笑謂
曰郎中云不通亦過老先生云可作程式亦屬進二相太矮
總之非甚不通但要京兆中式亦屬進二相公默
然自是高呂于張諸子皆二相所扼腕矣齒
而吳詹黃苗諸君皆公論所扼腕矣齒
事兼侍讀掌院事吏部員外趙南星戶部郎中姜士
昌疏請黜洪憲而用用賢戶科給事中王繼光至謂
洪憲懼原任禮部尚書沈鯉侍郎張位為己梗傾排
之使引疾去侍郎趙用賢直節偉抱宜在講筵擠之
南中洪憲遂乞休詔賜金二十兩紵絲二表裏馳驛

歸洪憲在朝日每四方奇士以文字贄者樂為獎借

終以自累兩主鄉試所作程文舉業家奉為圭臬

勇

小品黃學士葵陽未試前擬科場題十中七八不知何靈至此被議後放情聲妓卒

年六十著朝鮮典志周易集說學詩多識春秋左傳

釋附

二十七卷見明史藝文志

蒙莊獨契讀禮日鈔碧山學士集

經義考黃氏洪憲周易集說三卷存學詩多識佚

熹宗朝子承晁為吏科給

事中上書辨父冤贈禮部右侍郎子祭葬蔭一孫寅

錫入監讀書

以李鴻中萬曆乙未進士辨冤然是時卹典已濫

子承玄承晁

承玄字履常號宇參萬曆壬午舉人丙戌進士授

都水主事歷營繕員外郎郎中出管張秋淮徐河道
始濬泗河陞湖廣叅議調山東叅政仍管濟寧河務
改湖西道叅政均永新縣屯田額徵整飭萬安營軍
卒就加本省按察使轉河南右布政使裁監兌官以
息紛擾轉陝西左布政陝屬稅額歲增至十萬緡大
為民病玄建議捐減得旨允行尋拜應天府尹歲旱
米價騰貴預發京儲備荒軍民賴焉江南通志稱其
下車首咨民瘼
亟議興革時屆賓興供億悉出公帑市廛
不擾為尹僅踰年而德徧風行士民思之未幾以右
副都御史巡撫福建丁母憂歸卒於家予祭葬贈工

部左侍郎任一子申錫國子生著鷗盟堂集孫濤字觀只崇禎壬午本省鄉試第一

承昊字履素萬曆己酉應天舉人丙辰進士起家大理右評事著律例析微讀律叅疑律例互考三書廷評舊與中行同列考選尋廢不行天啟乙丑復選授吏科給事中疏辨父洪憲戊子順天鄉試事轉刑科右叅禮部主事荆養喬工部主事惠承芳世揚父總河侍郎南居益而薦姚作端邱存性時論少之剗復性作令以貪橫被察者以陰助魏大中納賊忤璫削奪崇禎初

御史劉弘光薦起戶科右給事中首請起用廢籍諸臣次言祖宗朝遼餉止四十九萬三千八十八兩神宗朝至二百八十五萬五千九百餘兩先帝時至三百五十三萬七千七百餘兩其他京支雜項萬厯間歲不過三十四萬一千六百餘兩邇來至六十八萬二千五百餘兩今出數共五百餘萬而歲入不過三百二三十萬即登其數已為不足而重以逋負戍卒安得無脫巾司農安得不仰屋乎乞敕各邊督撫清覈厯年增餉至京支雜項亦令各衙門嚴汰又先臣

葉淇變鹽法改折色以至邊粟踊貴必復祖制開中
輸邊名對平臺顧炎武曰知錄崇禎元年六月丙辰
上御平臺召對給事中黃承昊請銷
古錢不用閣臣劉鴻訓奏今河南山陝皆用古錢驟
廢之於民不便上曰卿言是明史食貨志天啟時
言利者恣搜括務增引超掣魏忠賢黨郭興治崔呈
秀等巧立名目以取之論者比之絕流而漁崇禎中
給事中黃承昊條上鹽政頗欲有陞工科左給事出
所釐革是時兵餉方絀不能行也
為河南驛鹽副使歷建南嶺北湖西等道遷南瑞叅
政乞休崇禎己卯薦補九江道時招撫諸賊安插蕪
州梅廣間俾占地通市江南奸民益勾引為奸昊與
瑞昌知縣趙三薦協擒首惡張羽王性古等楚撫宋

一鶴薦陞閩海副使進廣東按察使癸未外察歸有
闔齋吟稿吳妻沈氏名紉蘭能詩有效顰集一卷

陳懿典字孟常號如岡秀水人宋叅知政事文龍之
後世居郡之商湖里故名商陳村高祖昌至孝母疾
篤思食鯉魚昌入水求之得巨魚以奉母疾遂愈居
喪廬墓三年有一雁隨之每遇諱日輒翱翔助昌悲
哀見兩浙名賢錄昌曾孫九德嘉靖甲子順天中式選潛山
知縣未赴卒懿典父一德不仕懿典萬厯丙子以儒
士就試明史稿選舉志士子未入學者通謂之童生
當大比之年間收一二異敏三場並通者俾

與諸生一體入場謂之充場儒士中式即為舉擬置
人不中式仍候提學官歲試合格乃准入學
第一時司臬以未經黌序而冠一榜疑之巡按御史
某曰此卷不可抑置於後寧留之當不失第一是冬
補弟子員己卯果領解壬辰會試第二名選庶吉士
授編修分撰同姓諸王傳遷左中允陞右諭德戊戌
分考冊封魯藩以病目假歸葉向高荐起南侍讀學
士掌院事一年復引疾崇禎中晉少詹事兼右諭德
翰林學士如故以年老固辭里居三十餘年年八十
五卒葬圓珠灘懿妻姚嚴妬門生某嘗致一姬屏

不得見故卒無子作禮律合說闡明宗法立其弟之子泰寧為嗣著吏隱齋集三十六卷國朝正史聖學聖政紀要同姓諸王傳二十卷在陸紀畧十卷論孟貫義二卷義見經考讀左史二卷七太子傳古搜二十卷今宜二十卷壻曹憲來哀輯行之族子泰交

泰交字三緘改字同倩曷之六世孫也祖道父大烈兩世以醫名泰交為諸生工古文詩歌入北雍卒年四十五著齋志先生集十卷尚書註考一卷經義考陳氏泰交尚書註考項臯謨曰高皇帝明經比士詔用古註疏不知罷於何年豈自文皇纂修大全後乎大

全首經文次傳註後附諸說意深遠矣同二暑記二
脩治尚書編註考其嘉惠學者豈小補耶
卷前星鑑苑八卷七國人物志薛羅緣賞當記枝岐
集斯民也建文表年擅忽各若干卷